

Situasi Penyebab Berlakunya Buli Siber

PADANKAN PERNYATAAN BERIKUT DENGAN SITUASI PENYEBAB BERLAKUNYA BULI SIBER YANG SEPADAN.

TARIK PILIHAN JAWAPAN KE KOTAK KOSONG.

Terlalu yakin dan percaya kepada rakan siber

Membalas mesej atau menyebarkan mesej yang diterima

Melayari atau meluangkan masa dalam talian terlalu lama

Ingin hidup mewah dengan cara mudah dan cepat

Mendiamkan diri tanpa mengambil apa-apa tindakan

1

Banyak masa yang dihabiskan dengan melayari laman web seperti media sosial untuk mencari sahabat alam maya dan berbual perkara yang tidak memberikan faedah.

2

Kebanyakan mesej yang diterima di media sosial tidak diketahui punca dan sumber kesahihannya. Kebanyakan pengguna media sosial hanya membaca dan memanjangkan mesej tersebut tanpa menyelidik faktanya. Terdapat juga pengguna media sosial yang suka memberikan komen yang melampaui batas terhadap sesuatu isu.

3

Individu yang naif tentang selok-belok dunia media sosial sering menjadi mangsa. Pembuli siber akan mengambil kesempatan terhadap mangsa apabila mangsa berkongsi maklumat peribadi, foto dan video peribadi mereka untuk melakukan serangan.

4

Kebanyakan mangsa buli siber hanya mengambil pendekatan mendiamkan diri dan membiarkan sahaja pembuli siber membuli mereka. Pada pendapat mereka, dengan cara berdiam diri, pembuli siber akan berhenti melakukan jenayah siber.

5

Penjenayah dalam talian sering menggunakan kesempatan untuk memerangkap mangsa seperti menjual barangan yang tidak wujud dengan harga yang tidak rasional. Terdapat juga mangsa yang ditipu dengan dijanjikan hadiah lumayan dengan syarat perlu memasukkan sejumlah amaun terlebih dahulu.